

✓

UGOVOR
ZA ODVOZ I EKOLOŠKO ZBRINJAVANJE OTPADA
KZ 01/20

Zaključen u Sarajevu dana 20.03.2020. godine između:

KJKP „Toplane – Sarajevo“ d.o.o.

sa sjedištem u Sarajevu, ul. Semira Frašte br. 22

kojeg zastupa Direktor Berin Alagić (u daljem tekstu: **Pružalac usluga**)

Transakcijski račun: 154-001-20003337-76 (Intesa Sanpaolo Banka d.d. Sarajevo)

PDV broj: 200353740001

i

„KEMIS BH“ d.o.o.

sa sjedištem u Lukavcu, ul. Purče Bosanskog bb.

kojeg zastupa Direktor Maid Hadžimujić (u daljem tekstu: **Naručilac usluga**)

Transakcijski račun: 132-120-03094245-66 (NLB banka d.d. Tuzla)

PDV broj: 209357070008

PREDMET UGOVORA

Član 1.

Predmet ovog Ugovora je odvoz i ekološko zbrinjavanje otpada prema obrascu za cijenu ponude za Naručioca usluga, a zaključuje se nakon provedenog konkurentskog zahtjeva za dostavu ponuda broj: KZ 01/20 u skladu sa Odlukom o izboru najpovoljnijeg ponuđača broj: 03-03-01-282/20 od 11.03.2020. godine i ponudom zaprimljenom pod brojem: 1760/20 od 05.03.2020. godine, koja odgovara uslovima iz tenderske dokumentacije.

Član 2.

Ugovorne strane se obavezuju da će, sa opasnim i neopasnim otpadom prilikom preuzimanja, skladištenja i zbrinjavanja, postupati na okolinski prihvatljiv način u skladu sa pozitivnim zakonskim propisima u Bosni i Hercegovini i Bazelskom konvencijom, te članom 1 i 2 Pravilnika o uslovima za prijenos obaveza upravljanja otpadom sa proizvođača i prodavača na operatora sistema za prikupljanje otpada.

OPIS PREDMETA UGOVORA

Član 3.

Predmet ugovora je ekološko zbrinjavanje opasnog i neopasnog otpada koji je nastao prilikom remonta postrojenja za proizvodnju i distribuciju toplotne energije kao i servisiranja opreme i uređaja u toku rada postrojenja, servisiranja voznog parka Preduzeća, poslova u laboratoriji te rashodovanja i demontaže opreme. Šesteroznamenasti ključni brojevi odnosno šifre otpada za koje će se vršiti zbrinjavanje, date su u Obrascu za cijenu ponude.

CIJENA I USLOVI PLAĆANJA

Član 4.

Vrijednost ugovorene robe iz Člana 2. ovog Ugovora bez uračunatog PDV-a iznosi:

9.720,00 KM

(slovima: devethiljadasedamstotinadvadest i 00/100 KM)

U ugovorenu vrijednost nije uračunat PDV.

Član 5.

Ugovorne strane su saglasne da, zbog specifičnosti nabavke, može doći do izmjene količina iz Obrasca za cijenu ponude bez obzira na ponuđene cijene, odnosno može doći do povećanja odnosno smanjenja količine po pojedinoj stavci u zavisnosti od stvarnih potreba Naručioca usluga ali ne preko ugovorene vrijednosti iz člana 4. ovog Ugovora.

Član 6.

Iznos naveden pod tačkom 13. Obrasca za cijenu ponude, predviđen je za potrebe Naručioca usluga za zbrinjavanjem ostalih vrsta otpada koje eventualno mogu nastati u toku realizacije ugovora, a za koje nisu definisane pripadajuće šifre u Obrascu za cijenu ponude, ali su u tehničkoj vezi sa predmetom ove nabavke. U tom slučaju, Pružalac usluga će na osnovu pismenog zahtjeva Naručioca usluga, sačiniti i dostaviti putem fax-a ili e-mail-a pismenu ponudu za takvu vrstu otpada a Naručilac usluga će u najkraćem roku pismenim putem fax-a / e-mail-a obavijestiti ponuđača da li je saglasan sa izvršenjem prema dostavljenoj ponudi.

Član 7.

Pružalac usluga se obavezuje da za izvršene usluge ispostavi račun u skladu sa Zakonom o PDV-u.

Član 8.

Naručilac usluga se obavezuje da izvrši plaćanje u roku od 30 dana od dana prijema računa i prateće dokumentacije Pružaoca usluga.

Član 9.

Realizacija ugovora će zavisiti od stvarnih potreba i raspoloživih finansijskih sredstava Naručioca usluga.

MJESTO I ROK IZVRŠENJA USLUGE

Član 10.

Predmetne usluge će se izvršavati sukcesivno tokom ugovornog perioda, a najkasnije 7 dana od momenta obavijesti od strane Naručioca usluga.

Mjesto izvršenja usluga su lokacije KJKP „Toplane-Sarajevo“ d.o.o. Sarajevo.

OBAVEZE UGOVORNIH STRANA

Član 11.

Obaveze Naručioca usluga:

- da blagovremeno, obavijesti Pružaoca usluga o otpadu, adresi lokacije na kojoj je otpad privremeno odložen, te kontakt telefon zaposlenika koji će biti prisutan u momentu preuzimanja otpada na predmetnoj lokaciji,
- da Pružaocu usluga omogući nesmetan pristup lokaciji radi lakšeg preuzimanja.

Član 12.

Obaveze Pružaoca usluga:

- da po prijemu obavještenja o otpadu u što kraćem roku, organizuje njegovo preuzimanje,
- da otpremni dokumenti (račun, otpremnica i sl.) moraju sadržavati: podatke o šifri, vrsti i količinama izraženim isključivo u kg, bilo da se radi o tečnom ili čvrstom otpadu,
- da za svaku vrstu otpada, dostavi pismeni dokaz o šifri, količini i načinu zbrinjavanja - navesti oznaku postupka odlaganja D1-D15, te podatke o mjestu i lokaciji zbrinjavanja tj. originalni ovjeren dokument od subjekta odlagališta, u skladu sa važećim propisima zaštite okoliša,
- da transport opasnog otpada mora biti praćen transportnom dokumentacijom (Obrazac za transportnu dokumentaciju definisan u skladu sa Uredbom o selektivnom prikupljanju, pakovanju i označavanju otpada „Sl.novine FBiH“ br.38/06 a koji se popunjava u momentu otpreme opasnog otpada),
- da uz prisustvo predstavnika Naručioca usluga, ukoliko se radi o manjim količinama izvrši vaganje pojedinih vrsta otpada na mjestu preuzimanja otpada, a ukoliko se radi o većim količinama, otpad se tovari na kamion i vozi na kolsku vagu, koga specificiraju na otpremnom dokumentu sa podacima o šifri, vrsti i količinama u kg.

PRELAZNE I ZAVRŠNE ODREDBE

Član 13.

Ugovor se zaključuje na godinu dana, uz mogućnost pismenog otkaza bilo koje ugovorne strane. Otkazni rok iznosi 30 dana.

Član 14.

Ugovorne strane su saglasne da sve eventualne nesporazume po ovom ugovoru rješavaju prije svega sporazumno, u duhu dobrih poslovnih običaja, a u suprotnom nadležan je sud u Sarajevu.

Član 15.

Ugovorne strane su saglasne da Pružalac usluga nema pravo, u svrhu izvršenja Ugovora, zapošljavati fizička i pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke u postupku koji je prethodio ovom Ugovoru, najmanje šest mjeseci po zaključenju Ugovora odnosno početka realizacije Ugovora.

Član 16.

U ime Pružaoca usluga odgovorna osoba je Nihad Bajrić, broj telefona: 062 / 346-194.
U ime Naručioca usluga odgovorna osoba je Ensad Omerbegović, broj telefona: 060 30 72 834.

Član 17.

Ugovor stupa na snagu danom potpisivanja.

Član 18.

Ugovor je sačinjen u 2 (dva) istovjetna primjerka, po 1 (jedan) za svaku ugovornu stranu.

Za Pružaoca usluga

„KEMIS BH“ d.o.o.



Maid Hadžimović

Broj: 263-01 /2020

Za Naručioca usluga



Toplane – Sarajevo“ d.o.o.


Berin Alagić

Broj: 03-08-04-2007-502.01/20

Fg
H
AS
du

**Izvršni direktor za
tehničke poslove**


Mirza Musić



UPRAVA

Broj: 03-03-01-282/20

Sarajevo, 11.03.2020. godine

Na osnovu člana 64. stav 1., tačka b., člana 88. i člana 70. stav 1., 3. i 6. Zakona o javnim nabavkama („Službeni glasnik BiH“ broj 39/14), člana 8. Pravilnika o uspostavljanju i radu komisije za nabavke („Službeni glasnik BiH“ broj 103/14), Pravilnika o postupku nabavke broj PR/SN/01 od 24.02.2015. godine i Odluke Nadzornog odbora broj: 01-05-02/20 od 27.01.2020. godine, na Preporuku Komisije za javnu nabavku broj: 01/20/5 od 10.03.2020. godine, direktor donosi:

ODLUKU

- o izboru najpovoljnijeg ponuđača za nabavku -

ODVOZ I EKOLOŠKO ZBRINJAVANJE OTPADA

KZ 01/20

Član 1.

Prihvata se Preporuka o izboru najpovoljnijeg ponuđača Komisije za javne nabavke broj: 01/20/5 od 10.03.2020. godine i ugovor za javnu nabavku za pružanje usluga odvoza i ekološkog zbrinjavanja otpada – KZ 01/20, dodjeljuje ponuđaču:

„KEMIS-BH“ d.o.o. Lukavac

prema ponudi broj: 1760/20 od 05.03.2020. godine, za ponuđenu cijenu bez uračunatog PDV-a u iznosu od:

9.720,00 KM

kao najpovoljnijem ponuđaču.

Član 2.

Izabrani ponuđač je dužan da, u roku od 5 dana od dana prijema ove Odluke, dostavi originale ili ovjerene kopije dokumentacije iz člana 45. Zakona o javnim nabavkama (ukoliko ponuđač iste nije dostavio u svojoj ponudi).

Član 3.

Prijedlog ugovora o nabavci dostavit će se na potpis izabranom ponuđaču, najkasnije u roku od 10 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova odluka će biti objavljena na web-stranici www.toplanesarajevo.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 5.

Za izvršenje ove odluke zadužuje se i ovlašćuje Služba nabavke.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.



Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-03-01-151/20 od 11.02.2020. godine.

Javna nabavka je provedena putem **konkurentskog zahtjeva za dostavljanje ponuda**.

Obavještenje o nabavci broj: 160-7-2-30-3-9/20 poslato je na objavu dana 11.02.2020. godine, a objavljeno je na Portalu javnih nabavki BiH dana 11.02.2020. godine u 15:42 sati, te upućeni zahtjevi za dostavu ponuda na tri adrese, shodno članu 88. stav 1. Zakona o javnim nabavkama. Dana 12.02.2020. godine objavljena je ispravka obavještenja o nabavci broj: 160-7-2-30-8-10/20, nakon čega je kreirano novo obavještenje o nabavci broj: 160-7-2-30-3-9/20.

Komisija za javnu nabavku imenovana je Odlukom broj: 03-03-01-152/20 od 11.02.2020. godine.

Nakon isteka roka za preuzimanje, tendersku dokumentaciju je preuzelo 6 (šest) ponuđača (u prilogu Izvještaj o preuzimanju tenderske dokumentacije od strane ponuđača sa Portala javnih nabavki BiH www.ejn.gov.ba).

Nakon isteka roka za podnošenje ponuda evidentirano je da je putem protokola u zatvorenoj kovrti pristigla sljedeća ponuda:

1. „KEMIS-BH“ d.o.o. Lukavac, broj protokola 1760/20 datum 05.03.2020. godine u 10:11 sati

Dana 05.03.2020. godine u 14:00 sati, Komisija za javnu nabavku je izvršila javno otvaranje pristigle ponude sačinivši o tome Zapisnik sa otvaranja ponuda, te shodno članu 65. Zakona o javnim nabavkama, izvršila pregled i ocjenu pristigle ponude.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da pristigla ponuda ispunjava formalno – pravne i tehničke zahtjeve ugovornog organa odnosno da je prihvatljiva za ugovorni organ i da može biti predmet vrednovanja shodno utvrđenom kriteriju.

Tenderskom dokumentacijom predviđeno je zakazivanje e-aukcije, ali se shodno članu 3. stav 3. Pravilnika o uslovima i načinu korištenja e – aukcije („Službeni glasnik BiH“ broj: 66/16), u slučaju prijema jedne prihvatljive ponude, e - aukcija ne može zakazati i postupak se okončava u skladu sa članom 69. Zakona o javnim nabavkama.

Komisija za javnu nabavku dostavila je dana 11.03.2020. godine preporuku o izboru najpovoljnijeg ponuđača broj: 01/20/5 od 10.03.2020. godine zajedno sa izvještajem o radu broj: 01/20/4 od 10.03.2020. godine, zapisnikom o pregledu i ocjeni ponuda broj: 01/20/3 od 10.03.2020. godine, u postupku javne nabavke za pružanje usluga odvoza i ekološkog zbrinjavanja otpada – KZ 01/20.

U postupku, prema izvještaju o radu, utvrđeno je da je Komisija za javnu nabavku blagovremeno i pravilno izvršila otvaranje, pregled i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna).
- da je blagovremeno zaprimljena 1 (jedna) ponuda.
- da nema neblagovremeno zaprimljenih ponuda.
- da je ponuda ponuđača „KEMIS-BH“ d.o.o. Lukavac prihvatljiva.
- da nema neprihvatljivih ponuda.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriteriju iz tenderske dokumentacije.



U postupku ocjene provedenog postupka, Uprava nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen, primjenjujući kriterij „**najniža cijena**“, te da je rang listu prihvatljivih ponuda / ponuđača slijedeća:

1. „KEMIS-BH“ d.o.o. Lukavac,

sa ukupnom cijenom ponude u iznosu od **9.720,00 KM** bez uračunatog PDV-a.

Cijeneći navedenu rang listu i kriterij za vrednovanje, ugovor za pružanje usluga odvoza i ekološkog zbrinjavanja otpada se dodjeljuje ponuđaču:

„KEMIS-BH“ d.o.o. Lukavac

sa ukupnom cijenom ponude u iznosu od **9.720,00 KM** bez uračunatog PDV-a, odnosno

kao prvoplasiranom na rang listi jer sadrži najnižu cijenu.

Iz navedenih razloga, primjenom člana 64. stav 1. tačka b, člana 88 i člana 70. Zakona o javnim nabavkama te Pravilnika o postupku nabavke broj PR/SN/01 od 24.02.2015. godine godine i Odluke Nadzornog odbora broj: 01-05-02/20 od 27.01.2020. godine, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi BiH u pisanoj formi, putem ugovornog organa, u najmanje 3 (tri) primjerka.

Direktor

Berin Alagić

Dostaviti:

1. Ponuđaču: „KEMIS-BH“ d.o.o. Lukavac
2. Službi nabavke a/a
3. web stranica preduzeća



OBRAZAC ZA CIJENU PONUDE

NAZIV PONUDAČA: KEMIS-BH d.o.o.Broj ponude: 197-05/20Datum: 05.03.2020.

Strana _____ do _____

R. br.	Šifra otpada	Opis usluga	J. mj.	Količina	Jedinična cijena bez uračunatog PDV-a (KM)	Ukupna cijena bez uračunatog PDV-a (KM)
1.	10 01 99	Otpad koji nije specificiran na drugi način (čišćenje kotlova sa dimne strane)	kg	300	1,50	450,00
2.	13 02 06	Sintetska ulja za motore, pogonske uređaje i podmazivanje (servisiranje vozila, agregata, pumpi i slično)	kg	300	0,50	150,00
3.	13 03 10	Ostala izolacijska ulja za prenos toplote (ispitivanje temperaturnih sondi)	kg	250	0,50	125,00
4.	15 01 10	Ambalaža koja sadrži ostatke opasnih materija ili je onečišćena opasnim materijama (ambalaža od ulja za motore, pogonske uređaje, podmazivanje i ostala ambalaža od opasnih materija)	kg	25	2,00	50,00
5.	15 02 02	Materijali za upijanje onečišćeni opasnim tvarima Čišćenje kotlova sa dimne strane (pamučnjak, najlon onečišćeni antoksinom) Prosipanje tečnog goriva i kemikalija (pjesak/pilota onečišćeni tečnim gorivom, etilen glikolom, antoksinom, hidro-x-om) Poslovi u tokarskoj i automehaničarskoj radionici (pamučnjak onečišćen uljima za motore, pogonske uređaje i sl.)	kg	400	1,50	600,00
6.	16 01 07	Filteri za ulje (servisiranje voznog parka Preduzeća)	kg	110	1,50	165,00
7.	16 05 06	Laboratorijske kemikalije koje sadrže opasne materije, uključujući mješavine laboratorijskih kemikalija (poslovi u laboratoriji)	kg	10	5,50	55,00

Mjesto i datum: Lukavac, 05.03.2020.Potpis i pečat ovlaštenog lica

KEMIS-BH
d.o.o. LUKAVAC

OBRAZAC ZA CIJENU PONUDE

R. br.	Šifra otpada	Opis usluga	J. mj.	Količina	Jedinična cijena bez uračunatog PDV-a (KM)	Ukupna cijena bez uračunatog PDV-a (KM)
8.	16 06 02	Nikal-kadmijum baterije (zamjena dotrajalih baterija u određenim elektronskim uređajima)	kg	10	2,00	20,00
9.	16 06 05	Ostale baterije i akumulatori (zamjena baterija u uređajima: mjerači utroška toplote, telemetrijski uređaji-SCADA-e i sl.)	kg	10	2,00	20,00
10.	17 06 04	Izolacijski materijali koji nisu navedeni pod 17 06 01* i 17 06 03* (izolaterski poslovi - otpad: staklena vuna, stiropor i sličan materijal)	kg	7.700	0,90	6.930,00
11.	19 09 05	Zasićene ili istrošene smole jonskih izmjenjivača (curenje jonskih izmjenjivača – omekšivača, otpad: jonoizmjenjivači (omekšivači) / jonska masa)	kg	40	2,00	80,00
12.	17 06 01	Izolacijski materijali koji sadrži azbest (remont kotlovskih postrojenja: azbestna šnjura)	kg	50	1,50	75,00
13.	Ostale vrste otpada koje eventualno mogu nastati					1.000,00
UKUPNA CIJENA BEZ URAČUNATOG PDV - a						9.720,00
POPUST 0 %:						0,00
UKUPNA CIJENA SA POPUSTOM BEZ URAČUNATOG PDV - a:						9.720,00

Mjesto i datum: Lukavac, 05.03.2020.

Potpis i pečat ovlaštenog lica


Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koje ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlike između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.

OBRAZAC ZA CIJENU PONUDE

OSTALI USLOVI:

- ✓ Plaćanje: u roku od 30 dana od dana prijema računa i prateće dokumentacije (otpremnice, transportne dokumentacije i slično).
- ✓ Rok izvršenja usluge: sukcesivno tokom ugovornog perioda, a najkasnije 7 dana od momenta obavijesti od strane ugovornog organa.
- ✓ Mjesto izvršenja usluga: Lokacije KJKP „Toplane-Sarajevo“ d.o.o. Sarajevo
- ✓ U toku realizacije ugovora, zbog specifičnosti nabavke, može doći do izmjene količina iz Obrasca za cijenu ponude bez obzira na ponuđene cijene, odnosno može doći do povećanja odnosno smanjenja količine po pojedinoj stavci u zavisnosti od stvarnih potreba ugovornog organa.
- ✓ Iznos od 1.000,00 KM naveden pod tačkom 13. predviđen je za potrebe ugovornog organa za zbrinjavanjem ostalih vrsta otpada koje eventualno mogu nastati u toku realizacije ugovora, a za koje nisu definisane pripadajuće šifre u Obrascu za cijenu ponude, ali su u tehničkoj vezi sa predmetom ove nabavke. U tom slučaju, ponuđač će na osnovu pismenog zahtjeva ugovornog organa, sačiniti i dostavit putem fax-a ili e-mail-a pismenu ponudu za takvu vrstu otpada a ugovorni organ će u najkraćem roku pismenim putem fax-a / e-mail-a obavijestiti ponuđača da li je saglasan sa izvršenjem prema dostavljenoj ponudi.

Mjesto i datum: Lukavac, 05.03.2020.

Potpis i pečat ovlaštenog lica



Privredno društvo: KEMIS-BH d.o.o. Lukavac, ID: 4209357070008, Purče bosanskog bb, kojeg zastupa direktor Maid Hadžimujić u daljnjem tekstu KEMIS-BH d.o.o.

I

Privredno društvo: AIDA-COMMERCE d.o.o. Sarajevo, ID: 4200562400005, Pijačna br. 5, kojeg zastupa direktor Edin Džanković u daljnjem tekstu AIDA-COMMERCE d.o.o..

Zaključili su

UGOVOR O POSLOVNOJ-TEHNIČKOJ SARADNJI

Član 1.

Ovim ugovorom se definiše poslovno-tehnička saradnja između KEMIS-BH d.o.o. i AIDA-COMMERCE d.o.o. u slijedećoj oblasti: "Preuzimanje, transport opasnog otpada iz Toplane d.d. Sarajevo". Ugovor se potpisuje za potrebe izvođenja radova "Odvoz i ekološko zbrinjavanje otpada" objavljenog od strane Javnog preduzeća "Toplane" d.d. Sarajevo.

Član 2.

Firma AIDA-COMMERCE d.o.o. se obavezuje da će predmetni otpad uredno preuzimati i transportovati, na dalje zbrinjavanje firmi KEMIS-BH d.o.o.

Član 3.

Firma KEMIS-BH d.o.o. se obavezuje da će od firme AIDA-COMMERCE d.o.o. preuzeti otpad i dalje ga zbrinuti u zemljama Europske Unije a što će dokazati propratnom dokumentacijom..

Član 4.

Ugovor se potpisuje na godinu dana, za potrebe radova navedenih u članu 1. ugovora, a prestaje važiti u slučaju da Ugovorni organ odluči da dodjeli ugovor drugom ponuđaču ili odustane od postupka nabavke.

Član 5.

Sve eventualne sporove, ugovorne strane će riješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 6.

Svi naknadni dogovori između Ugovornih strana, u slučaju dobivanja ovog posla, će se detaljno definisati aneksom Ugovora koji će biti napravljen u 2 (dva) primjerka od kojih svaka Ugovorna strana zadržava po 1 (jedan) primjerak.

Član 7.

Sve izmjene i dopune ovog ugovora mogu se vršiti isključivo uz pismenu saglasnost ugovorenih strana.

Član 8.

Ovaj ugovor sačinjen je u 3 (tri) istovjetna primjerka, od kojih svaka ugovorna strana zadržava po 1 (jedan), a 1 (jedan) se predaje JP Toplane d.d. Sarajevo.

Sarajevo, 17. 03. 2020. godine

AIDA-COMMERCE d.o.o.

za rad 6

Direktor:

Edin Džanković

Broj: 150 / 18

KEMIS-BH d.o.o.

[Signature]

Direktor:

Maid Hadžimujić

Broj: 223-01/20